

3 Juaõ

3 Juaõ Ryberiti

¹Jiarÿ, dohodÿÿna matuari mahãduõ rare. Wabiõwa-ò, Kaio-ò watyriti rewahinyreri. Inatyhymy aluummy watzimahãre.

²Waliina, juhuutyhy Deuxu-ò arãixitõedÿÿnyra aaõmydÿÿna tule aummy wihikÿhykymy mabekemy, iwese atytyby awire wesele ratxireri.

³Inyseriõre wese aribi rehemynyrenyreu, wako relyrenyreu umy iwese kai õbitimy tate wese tule inatyhyna-ki tateri wese. Tai wawo reysamy watzimahãre. ⁴Jiarÿ raholamahãreu wariõre wese Deuxu inatyhyna rityhynyreiki, kia ibutu ratyre wawo riteysadÿÿnytyhyre.

⁵Kai tahe, Kaio, kowa inyseriõre tule iwitxira ludu seriõre teeryõteki, tewiõhenanyteu aõmydÿÿnana wihikÿ tewinymahãte. ⁶Inyboho wirotyra-wana, kia hãbu iny seriõre aluunamy rarybera. Ibedetÿinana-ò biwiõhenanykeki, aõwihikÿ biwinymahãke. Tuhyykeki Deuxu deewimy atximahãke. Tii dori iny-wana Deuxu inatyhyna-ò raaõmysÿdÿÿnykre. ⁷Kia dori kianimy rõhõnyre. Ityhydÿÿdukõdu mahãdu-ribi aõ ritaõhykyre. ⁸Kia wese tahe tuu rikiwiõhenanymyhÿke. Tai tahe Deuxu aõmydÿÿnana tÿnydÿÿna riwiõhenanymyhÿre.

⁹Ratyritinymahãre kowa ityhydÿÿdu mahãdu-ò. Inyõ tahe warybe-ò roholaõmyhÿre. Tiibocho dori juhuludukemy ratxireri. Diõtesi inire. ¹⁰Aõu arehemynykreu, ararybekre aõmybo tii rotÿÿnyre tule aõbinamybo rarybere inymy. Aõ tiihykyle aõkõ, iny ityhydÿÿdu seriõre hãwãwitxira ludu ixidee tarora-ò rimyõtyhy. Inyõ kia seriõreõ rimykeki, tii riixãwidinyre idy-ribi tii seriõredyna-õ dohodÿÿdu mahãdu-ribi hitximy riteõnyre. ¹¹Waleina, kai Kaio, õrarudu mahãdu aõhebo rotÿÿnyre wese aõ kai tate. Iny wihikÿ wese kai tate. Inyõ aõwihikÿ riwinykeki, Deuxu hõrõ tii rare. Aõkõkeki Deuxu rieryõre. ¹²Ibutumy Dimitiu dee inatyhyna-di aõwihikÿmy rarybere. Inybocho tule. Kaile teeryte inybocho inatyhy rarybere.

¹³Sõwemy rybe adee ariwahinykemy watzireri. Tahe aõkõre tyyriti ritina-ki. ¹⁴Eleelemy arakemy dori watzireri aroramy tai tahe widee

rakarybekre. ¹⁵Deuxu awo-ki riyrykemy idi watzireri. Abiòwabohe kaki awehityhy risareri. Wabiòwabohe sohoji sohoji kowa-ò warybe wehityhyna biwahinykre.